

Bibiliya y' Abana
Ishikirije

Imana yubahisha Yozefu
umugurano



Yanditswe na: Edward Hughes

Amashusho ashirwamwo na:
M. Maillot; Lazarus; Alastair Paterson

Itunganywa na: M. Maillot; Sarah S.

Isobanurwa mu Kirundi na:
Manurakoze Pacifique

Yateguwe na: Biblefor Children
www.M1914.org

©2022 Bible for Children, Inc.

Uburenganzira: Murafise uburenganzira bwo kwimura canke
gusohora ku mpapuro iyi nkuru mugihe gusa mutayigurisha.



Yozefu yari yafunzwe
arenganijwe n'umukoresha
wiwe Potifari. Mw'ibohero,
Yozefu yarubaha abandi
kandi akabafasha. Uwuraba
ibohero aramwizera ngo
aze aratunganya
ibibera mw'i
bohero vyose.
Kuko Imana
yarikumwe na
Yozefu, ibohero
rihinduka
ikibanza ciza
kuri bose.



Uwateka imikate n'ugaraba
ivy'uburaro vy'umwami
nabo bari bafunzwe. Yozefu
arababaza ati: "Ni kuki mushavuye
gutyo kwose?" Nabo baramwishura

bababaye
bati:
"Twabuze
umuntu

n'umwe yoshobora
kudusigurira indoto
twarose."



Yozefu aca abishura ati:
"Imana irashobora
kuzisigura! Nimubarire
izo ndoto zanyu."



"Izo ndoto zawe zisigura ko mumisi itatu, Farawo azogusubiza kukazi kawe" Yozefu abwira umukuru w'ivy'uburaro. "Uze unyibuke unsabire Farawo andekure." "Indoto y'uwukora imikate


yoyo irimwo inkuru mbi." Uzokwicwa mumisi itatu, ari Yozefu abimubarira.

Maze izo ndoto zishika uko nyene Yozefu yazisobanuye.



Ariko umwe yaraba ivy'uburaro kwa Farawo aramwibagira gushika aho Farawo nawe yavyutse azazaniwe.

Aravuga ati: "Narose indoto mbi" Mubapfumu n'abanyamareba biwe,



ntihashobora kuboneka uwushobora gusobanura iyo ndoto ya Farawo. Ico gihe niho umwe araba avy'uburaro bw'i bwami yaca yibuka Yosefu. Aca umubwira Farawo.



Farawo aca arungika abaja
kuzana Yozefu ubwonyene. Yozefu
abwirira Farawo ati: "Indoto yawe ni ubutumwa
buvuye ku Mana. Egiputa izogira imyaka indwi myiza
yo kwimbura, hanyuma hazokurikira imyaka
indwi y'amapfa."



Yozefu aca ahanura Farawo
ati: "Tegura guhera ubu
mwegeranye imfungurwa
kumara iyo myaka indwi
myiza yo kwimbura
igiye kuza."

"Canke naho
utabikoze uko,
abantu bawe
bazokwicwa
n'inzara."



Farawo aca avuga
k'umugaragararo ati:
"Imana irikumwe
nawe. Uzoba
uwuganza Egiputa.
Jewe gusa
ni je nzoba
hejuru yawe."



Ya myaka indwi myiza y'umusesekara irashika.
Hanyuma hakurikira imyaka ndwi yindi y'amapfa.
Amapfa atera hose kiretse muri Egiputa kubera hoho
bari bashoboye kuziganya ibizobatunga. Mugihugu ca
kure iyo Yozefu yavuka, umuryango wa
Yakobo wari wishwe n'inzara.




Abantu bava mubihugu vyose baza muri Egiputa kugira ngo basume ingano. Yakobo abarira abahungu biwe ati: "Namwe mutegerezwa

kujayo gusuma."
Bashitse muri Egiputa, bakuru we bariko baritegura ngo basume ivyo kudya.



Abahungu ba Yakobo bunamira umukuru ahambaye wo muri Egiputa yakurikira Farawo. Ntibamenya ko ari Yozefu. Ariko Yozefu wewe yari yabamenye. Yozefu aca yibuka zandoto yigera kurota akiri muto. Imana yari yamushize hejuru ya bakuruwe bose.



Yozefu yari aciyе ubwenge cane.
Avugana ubwenge bwishi na bakuruwe
hanyuma aca asigarana mukuru
we Simiyoni nk'uwumugize
imbohe. Yozefu abategeka
ati:



"Ni mwakire imfungurwa,
musubire iwanyu hanyuma
munzanire umuhererezi
wanyu. Niho nzomenya ko
mutari abatasi."



Abo bavukana na Yozefu
baciye babona ko ari Imana
ishatse kubahana kuko bari
baramaze kugurisha Yozefu
mumyaka yaheze.



Yakobo n'abahungu biwe baragize ubwoba cane. "Amahera yacu bayadusubije mumifuko yacu y'ingano. Kandi umukuru aganza ico gihugu yadutegetse gusubirayo tujanye Benyamini."



Ariko Yakobo aranka ko bajana Benyamini.
Munyuma babura ivyo bafungura. Abo
bavukana bategerezwa gusubira muri
Egiputa gusuma maze Benyamini
asubiranayo nabo.



Yozefu abonye Benyamini, ateguka abakozi biwe ko bategura inzimano nziza cane. N'abo bavukana bari batumiwe. "Mbega so wanyu aracariho?" Yozefu ababaza. Kumbure yariko yiyumvira ingene ashobora gukoranya umuryango wose ubugira kandi.



Yozefu yipfuzza kandi kumenya ko bakuruwe bicuza vy'ukuri kuvyo bari bamukoreye muri kahise. Bahejeje iyo nzimano, aca abagiriza ko bivye. "Kugira ngo tubahane, Benyamini ndamusigarana ndamugize imbohe." Ari yozefu ababwira. Yuda nawe

aramwinginga ati: "Mwami wanje, pfuma usigarana jewe nawe umureke". Yozefu amenya ko Yuda, uwari yabwiye abandi ko bogurisha Yozefu, ko yari yahindutse vy'ukuri.





Bimunaniye kunyegeza urukundo akunda umuryango wiwe igihe kirekire, Yozefu yereka abanyegiputa bose abo bavukana, maze aca ararira.

“Ndi Yozefu umuvukanyi wanyu uwo mwagurishije muri Egiputa.”

Batangaye kandi buzuye ubwoba, abo bavukanyi biwe ntibaronse ico bavuga.



Yozefu aremesha abo bavukana.
"Imana yampinduye Umwami

wa Egiputa
kugira ngo nshobore
kurokora ubuzima
bwanyu muri ano mapfa.
Genda muzane Data
wacu. Nzobitwararika."



Yakobo na Yozefu
baba hamwe muri
Egiputa n'umuryango
wose maze babayo
amahoro ataco bakenye.



Imana yubahisha Yozefu umugurano

Inkuru ivuye mw'Ijambo ry'Imana, Bibiliya

tuyisanga muri

Itanguriro 39 - 45

"Guhishurirwa amajambo yawe kuzana umuco,
guha abatungu ubwenge." Zaburi 119:130



Iherezo



Iyi nkuru ya bibiliya itubwira kuvyerekeye Imana yacu y'igitangaza yaturemye kandi igashaka ko tuyimenya.

Imana irazi ko twakoze ibibi, arivyo yita icaha. Igihano c'icaha ni urupfu ariko Imana iragukunda cane yarungitse umwana wayo w'ikinege, Yesu, gupfa ku musalaba kugira ahanwe kubw, ivyaha vyawe. Hama Yesu asubira kubaho aca agenda I muhira mw'ijuru. Niwizera Yesu ukamusaba aguharire ivyaha vyawe, azobikora. Azoza abe muri wewe, hama uzobana na we ibihe bidashira.

Niwizera uko ni ukuri, bwira Imana ibi:
Yesu mwiza, ndizera ko uri Imana, kandi wacitse umuntu ugapfa kubera ivyaha vyanje, hama ubu ukaba uri muzima. Rero ingo mu bugingo bwanje hama uharire ivyaha vyanje, kugira ngire ubugingo bushasha, hama umunsi umwe nze mbane na we ubugingo budashira. Mfasha kugira ndakwumvire kandi mbeho ku bwawe nk'Umwana wawe. Amen.

Soma bibiliya hama uvugane n'Imana iminsi yose. Yohana 3:16

